


LIGAR

I.E.O.

FUELHA D'INFORMACION



R.P.

Capdaua : Pèireta DAUJAM
9, carrèra Flatters
75005 Paris

NUMERO 6

GENIER DE 1983

BONA ANADA PLAN ACOMPANHADA

TAULEJADAS

Poiretz dançar, parlar, minjar, cantar a la taulejada del 29 de genièr al CEP.33 Car.Linné. I trobaretz coma cadà còp de libres e discs, e en mai de sedas pintadas per una militanta de l'IEO-RP (carats e eissarpas) .

RANDOLEJADA

Lo 13 de febrìer, la randolejada se farà dins lo bòsc de Rambouillet. Per entresenhas : telefonar la setmana avant en çò de Nicòla :209-22-31.

COMUNICAT DE LA TRESORARIA

Cal pensar a pagar l'escotisson de 1983 :80F. Portan vòstra atencion sul fach que balhan 50F a l'IEO e nos demòra que 30F. Fa pas gran causa. Poden pas crompar de materials, pr'aquò avem pas tirat encara lo buletin. Vos demandan de far un esfòrt. Los que volon balhar 1% de lors revenguts, l'IEO vos mandarà una atestacion per l'administracion dels impòts. Mandar los chècs a Dominica CAZANAVE 12 Car. Port aux Lions 94 220 Charenton, amb lo papirot a descopar

NOM PICHON NOM.

ADREIÇA

PROFESSION.

CANTON DONT VENETZ

ACTIVITAT QUE PODI FAR A L'IEO

Vos demandan tambe de sinhalar los cambiaments d' adreça, e surtot d'escriure amb las letras d'imprimaria. Mercès.

INFORMACIONS GENERALAS

Lo 18 e 19 de decembre se tenguèt as Albi l'amassada generala de l'IEO. Una dimenjada de trabalh e de reflexion : bilanç de l'annada e discussion dels projèctes tocant los diferents sectors. Notarem que lo sector creacion ven de sortir la XVena lega de la colleccion "A TOTS" entres caissetas de textes dits pels autors ; que lo sector recèrca se tracha de l' edicion d'un dictionari elaborat per C. RAPIN e de recampar en volumes los articles sus la lenga de L. ALIBERT, J. MIGOT e R.CHABERT; que lo sector espendiment trabalha

a botar sus pè una granda fèsta de la lenga; que lo sector ensanhament s' aprèsta a reeditar lo manual "Ieu coneissi un país".

FESTA OC 1983

Lo tresorièr del comitat a pas rebut pro d'argent per reservar la sala. I aurà pas de granda fèsta OC en 1983.

RADIO LO PAIS

L'hòmbològacion es pas encara acquerida. Vos demandan de mandar de letras de sosten a Radio Pays 6 Place de la Madeleine 75 008 PARIS eua / Mme Michele Cotta, Haute autorité de la communication audio-visuelle, 100 Av. Poincaré 75 016 PARIS.

COLLECTIU OCCITAN PER L'AUDIO-VISUAL

Conferencia de premsa lo 22 de genièr a 15 òras al centre internacional de l'UNESCO, 5 Car. Heliot Tolosa; per demandar lo respect dels tèxtes per l'audio-visual mas tambe per l'ensanhament per los poders publics. A 16 oras acampada de las diferentas associacions per envisagejar las accions a venir.

DIVERS

Expausicion del libre Oc (e oil) organizada per l'academia del Lengadoc se debanarà lo 22/01 a la comuna del tresenc arrondissement (Paris).

Lo 23,24,25, e 26 de genièr all'Agòra d'Evry (91) venta de bandas dessignadas occitanas (plaça de las Cascadas).

Claudi Alranc es a Paris per lo mes de genièr e febrèr.

Lo 28 de genièr a 18 oras 55 sus FR3 emission amb VVAP.

A la debuta de febrèr espausicion de BD a Lisses (91) amb una taula occitana. Entresenhas : 944-52-79.

Mai de 1983 fèsta fòlc a Ris-Orangis amb "Perlinpinpin fòlc".

Lo segond festenal del filme etnografic e etnomusicologic de Tolosa se debanarà del 25 de genièr al 3 de febrèr.

Cinc centres de creacions cinematograficas decentralisats van esser mèses sus pès : Vitrolas, Quimper, Le Havre, Grenoble e Tolosa.

ESTAGIS

Del 4 al 7 de febrèr se tendràn : rescontres de musicas, teatre e danças organisats per "Los talhers d'oc". Auran per tèma lo carnaval en Lengadoc e per camp d'aplicacion la fèsta anualada del Carnaval de Besièrs lo 18 e 19 de febrèr. Entresenhas : A. Dedieu Residencia de las facultats Bat. A1 201 Av. de la Justicia 34000 Montpelhièr.

Escòla occitana d'estiu del 22 al 27 d'agost a Pena d'Agènes (47).

Se faran a Picapol dos estagis de "formacion de formators" : l'un, per Pascas, organizat per l'EOE; l'autre, al mes de julhet organizat per l'IEO.

INTERNACIONAL

Dos occitans de l'Ardecha venon de realisar un filme : "Le pays basque et sa liberté"; es fait a partir de portraits e discutidas, amb d'actualitats per mostrar la lucha del poble vasca.

Eth divès 21 de genièr : Cants per Kristen Nogues dab harpa celtica acòmpañada deths sos musicaires.

Eth divès 4 de març : serada "Cants de Bretanha actuana" per Manu Lannhuel e'ths sos musicaires(8 oras 30)

Eth divès 18 de març serada irlandèsa d'èra "Sent Patric" animada per duas formacions

de musica irlandèsa. Taulejada a partir de 7 oras 30 deth ser.

Tà rensenhaments complementaris : Mission bretonne-TIR AR VRETONED 22, Car. Delambre
75 014 Paris. Tel. 329-06-91.

ARRECERCA

Eth divès 7 de genièr que's debanà ua acampada deth gròp d'arrecèrca. Qu'estò presa era decision de responer aras prepausicions deth Ministari de Cultura e d'enviar un dossièr dab un projèct colectiu a prepaus d'exilhats occitans en region parisenca e tamben un dossièr d'ua personadeth gròp qu'avó dejà un projèct hèra avençat. Tot eth monde que son interessats tà recèrca e poñon prener contact de tira dab eth responsable G. Niclot 5, Car. H. Barbuse 93 300 Aubervilliers.

LIBRES-DISCS

Lucian Lescou, membre de l'IEO-RP, ven de publicar amb sos mejans una novela : "Los misteris de Labastida", (dessenhs e fòtòs de l'autor). Trobaretz aquel libre :

- per correspondencia en çò de l'autor contra un chèc de 26F / Lescou 2 Aleas C. San Saëns 95 390 Saint Prix.

-a Pam de Nas 30 Car dels Grands Augustins 75 005 Paris.

-a las Taulejadas.

Parucion de l' obratge : "700 ans de revòltes occitanes" de G. de Sede a las edicions Plon.

Lo romancièr roèrgas P. Gayraud ven de publicar lo quatren e darrèr volum de la "Saga" "Lo vièlh Estofegaire". Aqueste tome IV "La sexologa" nos fa dintrar dins la vida de la familha dels "Narèsses" entre 1935 e 1980.

J.J Delmàs, un carcinòl montat a Paris per i esser factor, escampa sa nòstalgia e sos sòmis en poèmas : "Leu" publicats dins la colleccion Terra d'Olt.

Benoit Hutin a realisat un disc amb arrencaments al sintetisator de tèmas tradicionals del repertòri occitan : "Nadal tindaire", "Los caulets", "Los esclòps", e plan d'autres que se tròban dins un 33 tors titolat : "Occitania".

Lo gròp de musica tradicionala lushonès "Era Gaveca" prepausa un disc per dançar : un enregistrament en public d' una seguida de pòlças, masurcàs, rondeus, gigas. . Lo titol es "Bal en Gasconha".

Lo gròp de musica occitana montpelhièrenc "Cardabèla" n'es a son tresenc disc. Jol titol "La joia a la campanha", s'i recampa d'aires tradicionals e de creacions sus de tèxtes de Besson e Pecot.

La cançon occitana va traversar "La Marga". Del 13 al 28 de febrìer Patric cantara en Engleterra. Un 45 torns de doas cançons reviradas en anglès sortirà a aquela escasença. Mas Patric que se passeja fòrça, portarà la cançon occitana en Africa del 20 de genièr 4 de febrìer "Costa d'ivòri, Mali, e Vòltà-Nauta.
